

Tres polis a haya nan reconocemento pa nan 35 aña den servicio



ORANJESTAD (AAN): Ayeramainta den Sala di Consejo di Ministernan tabata tin un celebracion chikito enconecion cu e di 35 aña di servicio di tres polis.

Ta asina cu e agentenan Pedro Stamper, Richard Martus y Alwyn Nectar ta e agentenan trahando ainda y cu a celebra cada uno 35 aña den servicio.

Mester bisa cu den presencia di nan famia y tambe algun alto funcionario di gobierno e envelope a ser entrega na nan dor di minister di husticia Watty Vos.

Esaki sigur tabata un momento hopi emocional pa e agentenan aki cub awor hasta dos di nan ta hefe di un of otro departamento y un di nan hefe di henter cuerpo policial.

DIARIO ta bay na cuminsa menciona e carera for di cuminsamento di cada un di e polisnan aki kendenan a cuminsa na carera como polis na 1964.

Nos ta cuminsa cu Sr Pedro Stamper kende a cuminsa como polis adspirant dia 4 januari 1965 den cuerpo policial di Antiyas Hulandes

staciona na Curaçao.

3 di januari 1966 el a ser traslada di Curaçao pa Aruba y a bay traha na warda di San Nicolas.

4 di januari 1966 Sr Pedro Stamper a bira agente den cuerpo policial.

Promer di December 1968 el a bira agente policial cu rango primer clase.

4 di november 1969 Sr Pedro Stamper a ser traslada di Aruba pa St Maarten.

Promer di September 1970 el a ser traslada di isla Ariba pa Aruba y a bay traha atrobe na warda di San Nicolas.

Promer di october 1978 el a bira mayor di polis.

Riba 3 di juli 1987 Sr Pedro Stamper a bira Sub Inspector di polis y 1992 Inspector di Polis Primera clase.

Sr Richard Martus tambe a drenta cuerpo policial 4 di januari 1965 den e cuerpo policial di Antiyas Hulandes y como agente adspirant staciona na Curaçao.

23 di cember el a ser traslada pa Aruba y a bay traha na

warda di polis Oranjestad.

4 di januari 1966 el a bira agente den cuerpo policial.

Promer di december 1968 el a ser promovi como agente policial primera clase.

2 di october 1969 Sr Martus a ser traslada pa bay traha como polis na St Maarten.

12 di februari 1973 el a ser manda di islanan Ariba pa asina forma parti di polis uniforma na warda di Oranjestad.



3 di augustus 1973 el a ser traslada oficalmente bek pa traha na Aruba.

Promer di juni 1974 Sr Martus a ser promovi como mayor di polis.

Promer di juni 1985 el a ser promovi como Sub Inspector di polis.

Promer di juni 1990 el a ser promovi como Sub Inspector primera clase y promer di juni 1996 Sr Richard Martus a bira inspector primera clase den cuerpo policial.

Como e di tres cu a haya reconocimento ayera mainta pa cu su di 35 aña di servicio como polis ta Sr Alwyn Nectar



kende a cuminsa como Adspirant 4 januari 1965 den cuerpo policial di Antiyas Hulandes staciona na Curaçao.

3 di januari 1966 el a ser traslada for di Curaçao pa Aruba y a bin traha na warda di polis na Oranjestad.

4 di januari el a ser promovi como agente den cuerpo policial.

Promer di december 1968 el a ser promovi pa agente primera clase.

28 di april 1969 el a ser traslada for di Aruba pa bay traha na Bonaire.

3 di augustus el a ser manda for di Bonaire pa Aruba.

11 december 1971 el a ser traslada oficialmente atrobe di Bonaire pa Aruba.

Promer di juni 1974 Sr Nectar a haya e rango di mayor di polis.

Promer di juli 1980 Sr Nectar a bira Sub Inspector di polis.

Promer di juli 1985 el a bira Inspector di polis segunda clase y durante e temporada aki

Sr Nectar tabata Hefe di e Surveillance dienst Oranjestad, Hefe di e seccion di polis uniforma, Inspector encarga cu polis hudicial y loke cu ta encarga tambe cu polis di inmigracion y despues hefe tambe di e dos departamentonan aki.

Tambe e tabata inspector encarga cu e polisnan di caya y tambe departamento di recherche.

Entrante promer di november 1989 Sr Nectar a ser traslada pa DOOV unda el a ser encarga como hefe suplente di DOOV.

Na 1996 Sr Nectar a bira hefe di departamento di labor y promer di januari 1997 el a bira alto comisario di cuerpo policial di Aruba.

Asina tambe por mira cu mas cu mitar di e bida di e hendenan aki a bay na nan trabao so trahando y yudando nos comunidad.

Pesey mes Ministro Watty Vos a gradicinan masha hopi mes pa e tremendo trabao haci durante 35 aña largo.

